



Комисија за одлучивање о сукобу интереса

Komisija za odlučivanje o sukobu interesa
Povjerenstvo za odlučivanje o sukobu interesa

Odlučeno na sjednici sa danom 21-07-2017 godine

Broj: UP KSI 01-07-2-11/17

Datum, 17.07.2017. godine

Potpis ovlaštene osobe

Na osnovu člana 18. Zakona o sukobu interesa u institucijama vlasti Bosne i Hercegovine („Službeni glasnik Bosne i Hercegovine“, broj: 16/02, 14/03, 12/04, 03/08, 18/12, 87/13) člana 15. Pravilnika o postupku („Službeni glasnik Bosne i Hercegovine“, broj: 56/14) i člana 16. Poslovnika o radu Komisije za odlučivanje o sukobu interesa („Službeni glasnik BiH“, broj 51/14), Komisija za odlučivanje o sukobu interesa (u daljem tekstu: Komisija) na 12. sjednici, održanoj dana 17.07.2017. godine, u predmetu Arif Nanić iz Sarajeva, t
, donijela je slijedeću



ODLUKU

Neće se pokrenuti postupak za odlučivanje o sukobu interesa protiv Arifa Nanića, direktora Agencije za identifikacione dokumente, evidenciju i razmjenu podataka Bosne i Hercegovine.

Образложење

Komisija je dana 18.04.2017. godine zaprimila neanonimnu prijavu protiv Arifa Nanića u kojoj se navodi da imenovani istovremeno sa funkcijom člana Ureda za razmatranje žalbi u podružnici Banja Luka obavlja i funkciju vršioca dužnosti direktora Agencije za identifikacione dokumente, evidenciju i razmjenu podataka Bosne i Hercegovine, čime je izvršio povredu odredbi Zakona o javnim nabavkama („Službeni glasnik BiH“ broj 39/14) i Zakona o sukobu interesa u institucijama vlasti Bosne i Hercegovine.

Komisija je provjerila navode iz prijave, te u toku postupka pribavila Odluku o imenovanju dva člana Ureda za razmatranje žalbi BiH i članova podružnica u Banjoj Luci i Mostaru, broj: 01,02-50-14-470,8/15 od 14.10.2015. godine i Rješenje o imenovanju vršioca dužnosti direktora Agencije za identifikacione dokumente, evidenciju i razmjenu podataka Bosne i Hercegovine, broj: VM 45/17 od 28.03.2017. godine, i Rješenje o imenovanju direktora Agencije za identifikacione dokumente, evidenciju i razmjenu podataka Bosne i Hercegovine, broj: VM broj 100/17 od 23.05.2017. godine, Odluku o razrješenju dužnosti člana Ureda za razmatranje žalbi Bosne i Hercegovine, filijala Banja Luka broj: 01,02-50-19-1038/17 od 31.05.2017. godine te izvršila provjere kroz službene baze podataka.

Uvidom u naprijed navedeno utvrđeno je sljedeće:

- da je Arif Nanić obavljao funkciju člana Ureda za razmatranje žalbi u podružnici Banja Luka od 19.10.2015. godine do 09.06.2017. godine, kada je razriješen sa navedene funkcije;
- da je imenovani obavljao funkciju vršioca dužnosti direktora Agencije za identifikacione dokumente, evidenciju i razmjenu podataka Bosne i Hercegovine najduže do okončanja konkursne procedure za izbor i imenovanje direktora Agencije

za identifikacione dokumente, evidenciju i razmjenu podataka Bosne i Hercegovine, počev od 01.04.2017. godine;

- da imenovani obavlja funkciju direktora Agencije za identifikacione dokumente, evidenciju i razmjenu podataka Bosne i Hercegovine počev od 23.05.2017. godine;
- da je imenovani kao član Ureda za razmatranje žalbi u podružnici Banja Luka imao status izabranog zvaničnika, kako je to definisano u članu 3. stav (1) tačka e) Zakona o sukobu interesa u institucijama vlasti Bosne i Hercegovine;
- da imenovani kao vršilac dužnosti direktora Agencije za identifikacione dokumente, evidenciju i razmjenu podataka Bosne i Hercegovine imao status nosioca izvršne funkcije kako je to definisano u članu 3. stav (1) tačka f) Zakona o sukobu interesa u institucijama vlasti Bosne i Hercegovine;
- da istovremeno obavljanje funkcije člana Ureda za razmatranje žalbi u podružnici Banja Luka i funkcije vršioca dužnosti, odnosno direktora Agencije za identifikacione dokumente, evidenciju i razmjenu podataka Bosne i Hercegovine ne dovodi do povrede odredaba Zakona o sukobu interesa u institucijama vlasti Bosne i Hercegovine.

Članom 18. stav (1) Zakona o sukobu interesa u institucijama vlasti Bosne i Hercegovine propisano je da Komisija može pokrenuti postupak iz svoje nadležnosti na osnovu svoje odluke povodom vjerodostojne, osnovane i neanonimne prijave ili po službenoj dužnosti u slučajevima kada raspolaže saznanjima o mogućem sukobu interesa izabranog zvaničnika, nosioca izvršne funkcije ili savjetnika. O pokretanju ili ne pokretanju postupka Komisija donosi odluku u pisanoj formi.

Obzirom na navedeno, te da u konkretnom slučaju nije došlo do povrede odredaba Zakona o sukobu interesa u institucijama vlasti Bosne i Hercegovine i da Komisija nije nadležna za utvrđivanje eventualnog kršenja odredaba Zakona o javnim nabavkama, odlučeno je kao u izreci.

POUKA O PRAVNOM LIJEKU:

Protiv ove odluke nije dozvoljena posebna žalba.

Dostaviti:

- imenovanom
- dosije
- a.a.

